



UNIVERSITÄTS-
BIBLIOTHEK
PADERBORN

Universitätsbibliothek Paderborn

Westphalia Sancta, Beata Et Pia, Sive Vitæ Eorum Qui sua sanctitate et piis exemplis Westphaliam illustrârunt

Complectens eorum vitas, qui certò aut verisimiliter Natione Westphali
reperiuntur cum titulo Sancti aut Beati

Strunck, Michael

Neuhusii, 1715

Adolphus Comes de Altena, Religiosus Cisterciensis Aldenbergae in
Ducatu Montium

urn:nbn:de:hbz:466:1-28481

4 Westphalia sancta,
anno 1222 ab eo conscriptos esse liquet tum
ex ejus vita ibidem apposita, tum ex l. 10. c. 48.
Memoria B. hujus Abbatisſæ agitur die 5ta
Februarii, hoc est, eâdem, quâ colitur S. Adel-
heidis Abbatisſa Villicensis in Diœcesi Colo-
nienſi.

ADOLPHUS

Comes de Altena , postea Religioſus Cisterciensis
Aldenbergæ in Ducatu Montium.

*Cum titulo Beati refertur à P. Theod. Rhay in
animab. illustr. lul. Cliv. & Montium, ad
diem 10. 7bris. Agit etiam de eo Gasp. Lon-
gelin. in notit. Abbat. Ordin. Cisterc. in fun-
datione Veteris Montis. Gelen. in vita S.
Engelberti. Nordhoff. & alii.*

Quàm felicia sæcula, quæ Adolphum Co-
mitem à deliciis terrestribus aulæ ad vitæ
sanctioris auspicia in cœnobium pertraxere ?
Ditionem hic suam obtinebat in Marchia
Westphalica , sedem verò gentilitiam in ca-
stro Altena, olim à primis Comitibus ita nun-
cupato , quòd sub ejus initia Ottone III. Im-
peratore capta , Comes Arensbergicus mu-
nimentum hoc [a] justo propius (All zunas
he) ad suos fines accedere missâ legatione
con-

[a] Northoff in Chron. Comitum de Marcka.

conquestus esset. Post decursa ætatis imma-
 turæ spatia cum B. Everhardo fratre in bellū
 profectus est ad Alexandrum Episcopum Le-
 odiensem, ut eidem contra Theodoricum
 Flandriæ, & Godefridum Barbatum Lovanii
 Comites à suppetiis esset. Quo peracto, cum
 B. Everhardus è castro Altena profugus, tan-
 dem post errores casusque varios sese ad Or-
 dinē Cisterciensem in [b] Morimundo trans-
 tulisset; exinde parentum suorum ditionem
 solus tenuit, acceptā in conjugem Adelheide
 Clivenfi, Comitis Arnoldi 2di filiā. Conti-
 gerat interim, ut fortuitò Ministerialium suo-
 rum aliqui haud procul Morimundo incide-
 rent in ejus fratrem diu perditum, pascentem
 pecora, & ejusdem Monasterii instituta mox
 amplexum: quod ubi Adolphus comperisset,
 non multò post ejus invisendi gratiā sese eò-
 dem contulit; ubi intra breve tempus Reli-
 giosa Cisterciensium conversatione & singu-
 lari vivendi sanctitate tam mirificè captus est,
 ut fratre in patriam invitato, non modò Al-
 denbergense castrū cum possessionibus mul-
 tis huic ordini in cœnobium dederit; sed &
 ipse quoque sub extrema vitæ tempora eidem
 se incluserit relicto sæculo, bonisque tempo-

A 3

rali-

[b] *Abbatia in Campania Gallia.*

ralibus in filios distributis. Habitu Religioso indutus [c] exclamabat cum singulari affectu animi : *Domine, nihil habeo nisi sanguinem & me ipsum, quem tibi do : tu te mihi ; ego me tibi.* Orandi gratiam à Deo consecutus erat valde eximiam , fluebantque ab oculis devotæ lachrymæ , quoties illi sive cum Deo , sive de Deo sermo intercederet. Humilitatem, ceterasque virtutes , quas in Everardo fratre effulgere viderat , summo semper studio conabatur in se exprimere ; ut , cui quondam in sæculari militia parem se tulisset , eidem quoque non impar esset in religiosa. Et certè , quos fraternus sanguis & eadem vitæ sanctitas conjunxerat hinc in terris, etiam vicina amborum mors in cælo visa est copulasse. Cùm enim anno 1152 B. Everardus humanis valediceret mense Julio , ipse brevè post morientem consecutus est, magnæque sanctitatis opinione vitam clausit initio mensis Augusti, vel [d] ut in ejus Epitaphio legitur 4 idus 8bris. Tumulum acceperunt ambo in templo S. Marci, quod etiam nunc intra portas ejusdem Monasterii exstare dicitur ; postea verò eorum exuviae translatae sunt ad sepulchra Ducum Juliacen-
sium,

[c] Theod. Rhay. in anim. illustr. loc. cit. [d] Fongelin. pag. 32.

fium, & Montensium, qui ab hujus Adolphi sanguine posterioribus annis propagati sunt: ubi unus idemque cippus sepulchralis ambos contegit in sacello, quod vocant, Principum. Memoria tamen ejus in Monasterio veteris montis celebratur ad diem 10 Septembris.

S. Altfridus Episcopus

Hildesienfis.

Sanctus appellatur à Brusck. in Catal. Episcop. Hildes. Trithem. l. 3. de vir. illust. c. 207. Bucel. in Menol. Beatus à Gelen. in Hieroth. & Canisio in Martyrol. Vita desumpta est ex Schaten to. 1. annal. Paderb. & Bucelino.

Corbeia Westphalica plurium Episcoporum ferax mater B. Altfridum Hildesio submisit Antistitem. Ibi sub regula Divi Benedicti ad eam sanctitatem formatus est, quæ de secretioribus Monasterii claustris mereretur extrahi, & in luce orbis publica collocari. Natales deduxit suos è præcipua Westphaliæ nobilitate prope Essendiam: bona verò sua, sedemque natalitiam videtur habuisse in [a] Asnide, quæ nunc Essendia dicitur; oppidum insigni Virginum Abbatia in Westphalia celebre. Præ omnibus tamen perillustis familiæ

A 4

com-

[a] Schaten to. 1. Annal. pag. 175.